

Eftirlit í kjölfar ábendingar um vanmerkta efnavöru frá Papco hf.

Dagsetning	18. nóvember 2019
Fyrirtæki	Papco hf.
Heimilisfang	Stórhöfða 42, 110 Reykjavík
Kennitala	4303830949
Starfsemi	Heildsala
Tengiliður fyrirtækis	Þórður Kárason
Eftirlitsstaður	Réttarháls 2
Fulltrúi fyrirtækis á vettvangi	
Tegund eftirlits	Eftirlit í kjölfar ábendingar
Fulltrúi Umhverfisstofnunar	Einar Oddsson
Málsnúmer	UST201911-110

SAMANTEKT

Umhverfisstofnun barst ábending frá Heilbrigðiseftirliti Hafnarfjarðar- og Kópavogssvæðis um efnavöru sem Papco hf. markaðsettur, þar sem bent var á að merkingar hennar uppfylli ekki tiltekin skilyrði efnalaga nr. 61/2013. Vörurnar voru skoðaðar með hliðsjón af ákvæðum efnalaga og reglugerðar nr. 415/2014 um merkingu og umbúðir efna og efnablandna (CLP).

Skoðun á vörunni *Premisan Plus hard surface cleaner* leiddi í ljós frávik frá tungumálakröfum á umbúðum vörurnar hvað varðar viðvörunarorð, hættusetningar, varnaðarsetningar sem skuli vera á íslensku. Einnig þarf að koma fram nafn, heimilisfang og símanúmer þess birgis sem er ábyrgur fyrir merkingunni á íslensku.

Umhverfisstofnun hefur farið fram á að Papco hf. sendi stofnuninni, eigi síðar en 9. desember 2019, afrit af íslenskum merkimiða fyrir vöruna sem er uppfærður skv. reglugerð nr. 415/2014 (CLP) á þann hátt að merkingarnar uppfylli kröfur efnalaga og reglugerðar (EB) nr. 1272/2008. Jafnframt er gerð krafa um að sölueintök vörurnar á vörulager og sölustöðum verði endurmerkt með réttri merkingu þegar hún liggur fyrir og hefur verið staðfest af Umhverfisstofnun.

Vakin er athygli á því að í samræmi við 5. mgr. 49. gr. efnalaga birtir Umhverfisstofnun á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir.

UMFANG EFTIRLITS

Þann 18. nóvember 2019 barst Umhverfisstofnun ábending frá Heilbrigðiseftirliti Hafnarfjarðar- og Kópavogssvæðis með myndum af merkingum efnavöru sem fannst í eftirliti þeirra við ástandskoðun á íbúð. Myndir af vörunni sýndu að viðvörunarorð, hættusetningar og varnaðarsetningar voru aðeins á

ensku. Við nánari eftirgreinslan Umhverfisstofnunar kom í ljós að fyrirtækið Papco hf. er ábyrgt fyrir markaðsetningu vörunnar hér á landi. Rætt var í síma við Þórð Kárason framkvæmdastjóra fyrirtækisins í kjölfar ábendingarinnar.

Varan var skoðuð með hliðsjón af því hvort að merkingar hennar uppfylli kröfur sem gerðar eru til merkinga efna og efnablandna sem tilbúin eru til notkunar skv. 32. gr. efnalaga og reglugerð nr. 415/2014 um flokkun, merkingu og umbúðir efna og efnablandna sem innleiðir reglugerð (EB) nr. 1272/2008 (CLP).

Eftirfarandi vara féll undir umfang eftirlitsins:

Vara	Strikamerki
Premision Plus hard surface cleaner	5 036142 000313

Eftirfarandi kröfur eru gerðar um merkingar vörunnar skv. efnalögum og reglugerðum sem settar hafa verið á grundvelli laganna:

- Samkvæmt 32. gr. efnalaga skulu birgjar tryggja að efni og efnablöndur sem eru tilbúin til notkunar séu merkt í samræmi við hættuflokkun þeirra. Umbúðir skulu merktar með nafni, heimilisfangi og símanúmeri birgis, magni efnis og efnablöndu, hættusetningum, varnaðarsetningum, viðvörunarorðum og hættumerkjum í samræmi við ákvæði reglugerðar nr. 415/2014 um flokkun, merkingu og umbúðir efna og efnablandna. Texti merkinganna varðandi hættusetningar, varnaðarsetningar, viðvörunarorð og hættumerki skal vera á íslensku nema kveðið sé á um annað í reglugerð.
- Samkvæmt 4. gr. reglugerðar nr. 415/2014 sem innleiðir reglugerð (EB) nr. 1272/2008 (CLP) skulu merkingar á umbúðum efna og efnablanda sem heyra undir reglugerðina vera á íslensku með þeim undantekningum sem kveðið er á um í ákvæðinu en eiga ekki við um þær vörur sem hér er til skoðunar.

NIÐURSTAÐA EFTIRLITS

Um er að ræða efnavöru í 750 ml plastbrúsa merkta með hættumerkinu GHS05, (*ætandi*) en viðvörunarorð, hættu- og varnaðarsetningar eru á ensku. Þá eru vörurnar merktar með nafni, heimilisfangi og símanúmeri fyrirtækisins Premiere Products í Bretlandi.

Viðvörunarorðið (Danger) sem kemur fram á merkimiða varanna í samræmi við e. lið 17. gr. og 20. gr. reglugerðar (EB) 1272/2008 en það á að vera á íslensku (Hætta).

Hættusetningarnar EUH 031 (Contact with acids liberates toxic gas.), H314 (Harmful to aquatic life with long lasting effects) sem koma fram á merkimiða varanna í samræmi við f. lið 17. gr. og 21. gr. reglugerðar (EB) 1272/2008 eiga að vera á íslensku.

Varnaðarsetningarnar P102 (Keep out of reach of children), P264 (Wash hands thoroughly after handling), P280 (Wear eye protection, protective gloves) P301+P330+P331, (IF SWALLOWED: rinse mouth. Do NOT induce vomiting. P303+P361+P353 (IF ON SKIN (or hair): Take off immediately all contaminated clothing. Rinse skin with water/shower), P305 + P351 + P338 (IF IN EYES: Rinse cautiously with water for several minutes. Remove contact lenses, if present and easy to do. Continue rinsing.), P315 (Get immediate medical attention) sem koma fram á merkimiða varanna í samræmi við g. lið 17. gr. sbr. 22. gr. reglugerðar (EB) 1272/2008 eiga að vera á íslensku.

Nafn, heimilisfang og símanúmer birgis eða birgja sem koma fram á vörunni í samræmi við a - lið 1. mgr. 17. gr. reglugerðar (EB) nr. 1272/2008 skal vísa á þann birgi sem verður ábyrgur fyrir íslenskum merkimiða vörunnar. Birgir er skilgreindur sem framleiðandi, innflytjandi, eftirnotandi eða dreifingaraðili sem setur á

markað efni, eitt sér eða í blöndu, eða setur blöndu á markað. Sá aðili sem breytir efnavöru á einhvern hátt, þ.m.t. merkingunni m.a. með þýðingu, verður að skrá sig sem sem birgir.

Frávik¹

- *Viðvörunarorð á íslensku vantar*, sbr. 32. gr. efnalaga, 4. gr. reglugerðar 415/2014 og e - lið 17. gr. og 20. gr. reglugerðar (EB) nr. 1272/2008.
- *Hættusetningar á íslensku vantar*, sbr. 32. gr. efnalaga, 5. gr. reglugerðar nr. 415/2014 og f - lið 17. gr. og 21. gr. reglugerðar (EB) nr. 1272/2008.
- *Viðeigandi varnaðarsetningar á íslensku vantar*, sbr. 32. gr. efnalaga, 5. gr. reglugerðar nr. 415/2014 og g - lið 17. gr. og 22. gr. reglugerðar (EB) nr. 1272/2008.
- *Nafn, heimilisfang og símanúmer þess birgis sem verður ábyrgur fyrir merkimiðanum á íslensku vantar*, sbr. 17. gr. a- lið, reglugerðar (EB) nr. 1272/2008 og 32. gr. efnalaga nr. 61/2013.


ÁBENDINGAR

Vakin er athygli á því að íslenskan merkimiða má ekki líma yfir fyrirriggjandi innihaldsupplýsingar eða hættumerki á umbúðum vöru, ef þær þurfa áfram að nýtast sem skyldubundnar merkingar á vörunni. Þá vill stofnunin benda á eftirfarandi ákvæði úr reglugerðinni varðandi staðsetningu upplýsinga á merkimiðanum, samkvæmt lið 1 í 32. gr. reglugerðar (EB) nr. 1272/2008: „*Hættumerki, viðvörunarorð, hættusetningar og varnaðarsetningar skulu staðsettar saman á merkimiðanum*“.

Jafnframt er vakin athygli á því að á vefsíðu Umhverfisstofnunar má nálgast verkfæri sem útbúið var af stofnuninni til að auðvelda þeim sem vinna við gerð umbúðarmerkinga skv. reglugerð nr. 415/2014 um flokkun, merkingu og umbúðir efna og efnablandna að fletta upp stöðluðum texta hættusetninga og varnaðarsetninga á íslensku. Verkfærið má nálgast á eftirfarandi slóð:

<https://ust.is/atvinnulif/efni/flokkun-og-merking/haettumerkingar-efnavara-verkfaeri/>

Reykjavík 25. nóvember 2019



Einar Oddsson

¹ Framkvæmd telst ekki í samræmi við kröfur sem settar eru fram í lögum eða reglugerðum